

宋詩紀事

第四函
五

宋詩紀事卷七十六

錢唐 厲鶚 緝

歙 吳震生 勘定

馮坦

坦字伯田號秀石普州安岳人兩魁浙漕咸淳辛未推恩任渝之江津夾漈務西總之龍灣酒庫

絕句

山腰一抹雲雲起知何處急渡小橋尋天風忽吹去

鷓鴣源樵歌

綺羅巷陌總成塵誰識擔柴老買臣自笑賣柴元似舊買柴換卻舊時人

句

飄風驚日月落葉滿乾坤

呈吳履齋

井在丹雉煉碑殘墨欲枯

廬山白鶴觀

因聽敲竹雨便碎賞花心

鷗趁湍流下魚藏石罅

閒

洞廬滿水

每向宋清求善藥閑從詹尹卜新年

燈影照殘

孤枕夢雨聲滴碎兩年心

除夕 以上方回桐江集

劉應鳳

應鳳字堯舉號書臺安福人咸淳中登第授建康

軍簽判入元不仕

王炎午吾汝臺云堯舉聞文山再執北行有句云天畱中子墮孤竹誰向西山飯伯夷子問其下句曰伯夷久不死必有飯之者矣案堯舉與炎午均爲未識文山之心者然其志亦可尚矣

聞文文山北行

喚得嵐鄉昨夢回東風萬里上金臺出關曾解婆婆否枝

北枝南一種梅

四朝詩

龔孟夔

孟夔字龍友臨川人咸淳對策中第仕終儒林郎

送孟和卿平陽尋母

杜羔念母心最苦豈意一朝逢澤潞母驚見貌似乃翁兒
抱母啼淚如雨五十孺慕朱壽昌刺血寫經毛髮蒼閒關
同州晚相見迎侍親輿歸故鄉人年百年一彈指母恩未
報情曷已團圞尊前舞綵衣大勝世閒朱與紫子行萬里
涉風沙誓不見母不還家兒今髮落母應老道傍看者還
咨嗟臨川孟氏號雍睦家世來此澶淵族婆婆老慕紫荆

花料想春風依舊綠

四朝詩

李謹思

謹思字明道號養吾餘干人咸淳中試禮部釋褐
第一入元卒

題文丞相吟嘯集

南人不識兩膝貴曲摺百態卑且勞斯人護膝不護頭故
以頸血霑君刀蟠胷孤憤擘不碎殺氣千丈纏旌旄援桴
親鼓盡南海背水更用螯丁鑿俘來吮血語神語咄咄向
與天爭豪須臾赤日滅顏色元雲莽莽風颼颼或言巨靈
收拾付真宰讀罷拊臆生長號又言豐隆列缺對愁絕疾
指玉鞭鞭六鼇雨瓢倒翻水怪舞斗樞橫軋天籟號憐伊

肝膽苦復苦亦見曩昔真離騷劫灰滿地莫挂眼蓬萊雖
遠容輕舸長驅癘鬼尚堪戰儘閑未許飛仙遨乃言興廢
在爾不吾與吾死吾主吾焉逃魯叟聞言拍手笑斯人六
經爲骨爲皮毛斯人捲取六經去空將贗本傳兒曹

吳禮部
詩話

補疎齋題鵝湖

客來誰與期微鍾度山椒松風如起予閒以笙與簫逸響
諒斯存幽蹤莽難招

天下同文集

贈李節婦

猝猝多羝屈幽幽獨雉經借渠施粉黛聊與照丹青孤櫓
何年寄重泉底處局有人能縮地不隔短長亭

郭天錫詩文雜記謝疊山字君直妻李節婦以君直故與一子繫金陵獄
一將官欲納之李給曰爾能脫我械繫乃可議此將以爲然禱上下釋其

獄李卽具湯沐約翼日出是夕伺二子熟寐解衣帶自經死豪葬城東壕
二子放還後數年子定之復往裏骨歸葬養吾李先生謹思贈云云

寄進士熊退齋

猶存火後書罕識卷中字無筆補元經有金酬載記漫漫
歲月馳忽忽春秋閱欲辨已忘言涕淚空垂泗

殉義若殉財避名如避箭況當喜懼交肩與寵辱踐百年
元亮心一日宣明面朱門轍跡多山路微如綫

四朝詩

董師謙

師謙號南江三山人咸淳辛未別院省試魁仕爲

平江府教官

錢塘懷古

歷歷庚申事分明在眼前講和如有弊飛渡定無船北使

三千里真州十四年釀成亡國恨一部福華編
玉牀搖帝座青蓋出都城巷哭千家淚燕歌四面聲乾坤
遽如許風雪可憐生清曉宮門外猶聽打六更

衣帶一條水靴尖三百州市朝陳迹在圖籍別人收南渡
衣冠盡西湖歌舞休久知事當爾曾記五更頭
行人指新寺云此舊宮城坐殿幾朝帝開山何處僧日邊
行塔影天外送鐘聲王氣元無了何消鑿秣陵

翰墨大全

俞德鄰

德鄰字宗大號太玉山人永嘉人徙居京口舉咸
淳癸酉進士入元不仕有佩韋齋集佩韋齋輯聞

過釣臺

行色苦迢遞人烟渺淒涼泊舟值巖瀨濯纓感滄浪赤符
讖龍鬪白水瞻鳳翔涼風協元德落星隱寒芒桑溟忽變
易草木猶芬芳嗟予邁屯蹇垂老悲興亡溪湍兀小艇嵐
氣昏戰場安得釣臺釣尚友狂奴狂

題白廷玉所藏白馬圖

八尺龍駒蹄削玉霜毛雪鬣超凡俗驕嘶顧影食場苗朝
暮逍遙在空谷詔書炊下徵騏驎香街紫陌驚行人金環
壓轡出天廐不數駉駉駉駉三品豆芻飽終日終日不
鳴鳴輒嘶何如不繫亦不維騰霧籥雲全玉質

秋日客中

楓落秋江塞雁賓客懷依舊憶鱸膾百年三萬六千日半

世東西南北人滿目空村爭虎豹何時高閣繪麒麟由來
管葛皆天意霄漢泥塗任此身

書齋

寂寂書齋萬慮空恍然赤甲古城東鳥呼幽夢日方午花
惱醉吟春正中軍將送茶驚諫議門生載酒過楊雄飛詩
識字皆爲累閑殺江頭獨釣翁

登六和塔

僧舍倚松北浮圖界竹西江通嚴瀨遠雲壓越山低槐里
三原隔襄城七聖迷臨風悲往事月落凍鳥啼

老病

老病幽棲覺嬾吟眼觀時態獨關心古今不泯春秋筆天

地難欺暮夜金幸有別腸堪貯酒未愁短髮不勝簪柴門
一閉從春盡桃李飛花葉又陰

淮安天慶觀夜坐

邊城寂寞歲將闌濁酒頻斟醉不歡一點青燈霜月白野
鳧風起石窗寒

以上佩章齋集

宋慶之

慶之字元積一字希仁永嘉人咸淳進士有飲冰

詩集

劉後村跋云含蓄有餘思要是世閒好詩

戍婦詞

君去無還期妾思無已時軍中無女子誰爲補征衣

後村題跋

開爐日賦

筋力已非舊逢寒亦自憐風霜在簷外妻子語燈前紙被
添新絮茶甌煮細泉雖云方寸地春意一陶然

項園卽事

時節飛花盡幽林亦自香閑來看新水獨立又斜陽簷角
鳥鳴霽樹根魚就涼一春風雨過遊事極相妨

寓武昌報恩寺

孟宗祠下竹依然借得空房竹樹邊貧寺少逢僧過夏遠
鄉多是客經年倩人汲水時煎茗就佛分燈夜照眠家信
不來心欲斷明朝又買漢陽船

以上東甌詩集

句

城中豈云隘我見無夷途所以龐德公車不向此驅斜陽

挂林杪野花續春餘

和陶

數年何處客昨夜獨歸船

喜弟歸

飄

泊知何處艱難亦到僧

送僧

更長初過雁蟄後稍無蜚

旅夜

多

年翁仲在寒食子孫稀

廢墓

以上後村題跋

吳錫疇

錫疇字元倫休寧人傲諸孫咸淳閒南康守葉闔
聘爲白鹿洞書院堂長不赴有蘭皋集

春望

春事今如此憑高興未闌半簾疎雨過一院落花閑草色
迷幽徑禽聲出晚山東風能育物不改鬢毛斑

春日

韶光大半去，怱怱幾許幽情遞。不通燕未成家寒食雨，入如中酒落花風。一窗草逆濂溪老，五畝園私涑水翁。無賦招魂難獨笑，且排春句荅春工。

方岳跋云：予嘗于何人卷中見左史公稱說著梅花定說君之句，不知其竹洲後人也。意王愷之珊瑚扶疎二尺美止此矣。比吳君過予崖下，出其寶則三四尺六七株如燕未成家寒食雨人如中酒落花風者，尚多也。子其祕之，毋使豆粥韭齋爲帳下兒所賣。彼愷輩那得與君爭長。寶祐甲寅十月，旣望秋崖方岳拜手。

林和靖墓

遺橐曾無封禪文，鶴歸何處認孤墳。清風千載梅花共，說著梅花定說君。

山中雜言

小小柴門傍竹開，幽深不慣有人來。頗嫌老鶴無情思，啄

損庭前一徑苔

山居寂寥與世如隔是非不到榮辱兩忘因憶秋崖
工部嘗教以我愛山居好十首追次其韻聊寫窮山
之趣

存四首

我愛山居好蔬畦閒蒔花笕泉歸甕舍篝火乞鄰家苗嫩
貓頭笋焙芳雀舌茶野人曾拜號何用給黃麻

我愛山居好荒磯一釣竿白鷗春水闊黃犢綠坡寬徑菊
香秋晚溪梅報歲寒人閒幽意足詩思倚闌干

我愛山居好枌榆老故丘好峯當戶立遠水護田流鼓響
移秧日耒鳴穫稻年豐身老健一飽外無求

楊花

爲見春風不久歸顛狂上下弄晴暉只饒天與無拘束入
幕穿簾任意飛

以上蘭皋集

汪若楫

若楫字作舟休寧人官宣城令咸淳閒爲紫陽書
院山長有秀山集

絕句

萬木驚秋各自殘
蜚聲扶砌訴新寒
西風不是吹黃落
要放青山與客看

新安文獻志

尤冰寮

冰寮錫山人表曾孫咸淳中官新安別駕有扣角

吟

句

三條椽下歸空榻百尺樓中透遠峯

晚鐘

蟻返愁尋穴鴉歸

喜見巢

落葉 方回桐江集

宋自遜

自遜字謙父金華人自適弟號壺山居士

瀛奎律髓慶元嘉定以來乃有詩人爲謁客者千求一二要路之書謂之關區副以詩篇動獲千萬緡如壺山宋謙父一謁賈似道獲楮幣二十萬以造華居是也錢唐湖山此曹什伯爲羣阮梅峯秀實林可山洪孫花翁季藩高菊礪九萬往往雖黃士大夫口吻可畏

五月菊

東籬千古屬重陽此本偏宜夏日長會得淵明高臥意故

來同占北窗涼

後村千家詩

一室